

CONVOCATORIA DE MATRÍCULA DA PROBA DE ACCESO Á UNIVERSIDADE PARA AS PERSOAS MAIORES DE 45 ANOS

A proba de acceso á universidade para as persoas maiores de 45 anos regúlase polo disposto no Real decreto 534/2024, do 11 de xuño (BOE do 12 de xuño), parcialmente modificado polo Real decreto 482/2025, do 17 de xuño (BOE do 18 de xuño), e o disposto na Orde do 24 de marzo de 2011 (DOG do 4 de abril). Por todo o exposto, e ao abeiro das competencias recoñecidas ás universidades nas disposicións citadas e conforme o expresado no convenio entre as universidades de Santiago de Compostela, A Coruña e Vigo, a Comisión Interuniversitaria de Galicia (CiUG)

RESOLVE:

Convocar a proba de acceso á universidade para as persoas maiores de 45 anos, correspondente ao ano 2026, no ámbito das tres universidades públicas de Galicia, conforme as seguintes:

BASES

1. Quen se pode matricular

Poden matricularse para realizar a proba as persoas que fixesen ou fagan 45 anos de idade no ano natural en que teña lugar a proba (que acreditarán mediante a fotocopia do DNI ou do pasaporte) e que non estean en posesión de ningunha titulación académica habilitada para acceder á universidade (probos PAU ou equivalentes; ciclos superiores de FP; titulacións universitarias; bacharelato internacional ou bacharelato europeo; estudantado procedente de sistemas educativos de estados membros da Unión Europea ou os doutros estados cos que se teñan subscrito acordos internacionais aplicables en materia de acceso á universidade, en réxime de reciprocidade, que cumpran os requisitos académicos esixidos nos seus sistemas educativos para acceder as súas universidades; ou calquera outra vía de acceso). As persoas solicitantes deberán asinar unha declaración responsable de que todos os datos sinalados na súa solicitude de inscrición nas probas de acceso para maiores de 45 anos son certos e válidos na data de presentación da solicitude. Poderán tamén presentarse aquelas persoas que tendo superado o bacharelato, COU (Curso de Orientación Universitaria) ou similares, non tivesen superada a proba de acceso á universidade.

A ausencia desta acreditación, a falta de veracidade ou a manipulación de datos suporá a perda automática dos dereitos derivados da matrícula nas devanditas probas e/ou a exclusión do proceso de adxudicación de prazas ou a anulación da matrícula dende o inicio dos estudos universitarios, no seu caso, sen prexuízo das responsabilidades penais, civís ou administrativas que sexan aplicables.

2. Prazo, horario e modos de matrícula

2.1. O prazo de matrícula será do 26 ao 30 xaneiro, ambos os dous inclusive.

2.2. A matrícula deberase realizar a través dos lugares de entrega e recollida de documentación (LERD).

Deberase enviar a documentación indicada no punto 3 por correo electrónico. Só excepcionalmente poderá realizarse in situ nun dos LERD habilitados en cada un dos sete campus de Galicia (véxase o anexo I).

3. Documentos

Documentación que se achegará no momento da matrícula:

- a) Fotocopia do DNI por ambas as caras ou pasaporte (persoas estranxeiras).
- b) Xustificante de ter aboadas as taxas de matrícula, mediante o impreso de pagamento de taxas previamente descargado da páxina web da CIUG (ciug.gal).
- c) De ser o caso, xustificante do dereito de redución ou exención das taxas de matrícula.
- d) Solicitud de matrícula de acordo co formato que poderán descargar da páxina web da CIUG (ciug.gal) coa declaración responsable de veracidade dos datos.
- e) Currículo profesional.

4. Prezos públicos

De conformidade co disposto no Decreto 55/2025, do 30 de xuño, polo que se fixan os prezos públicos pola prestación de servizos académicos e administrativos nas universidades públicas do sistema universitario de Galicia para o curso académico 2025/2026, o importe do prezo de matrícula para estas probas é de 63,67 euros.

Aplicaranse as exencións establecidas no artigo 12 do Decreto 55/2025, do 30 de xuño:

Familia numerosa - categoría xeral	31,84 euros
------------------------------------	-------------

Familia numerosa - categoría especial	Gratuíta
---------------------------------------	----------

Persoas con discapacidade ($\geq 33\%$), vítimas de terrorismo ou de violencia de xénero e persoas beneficiarias da prestación do ingreso mínimo vital	Gratuíta
--	----------

AXUDAS

Persoal das universidades do SUG	Gratuíta
----------------------------------	----------

Nota

(1) As persoas beneficiarias de familia numerosa de categoría xeral e de familia numerosa de categoría especial deberán achegar, no momento da matrícula, xunto co xustificante bancario, unha fotocopia cotexada do carné de familia numerosa vixente no prazo da matrícula.

(2) A condición de persoa con discapacidade ($\geq 33\%$) acreditarase no momento de formalizar a matrícula coa correspondente resolución administrativa do órgano competente da comunidade autónoma pola que se recoñece a condición vixente no prazo de matrícula.

(3) A condición de vítima de acto terrorista acreditarase no momento de formalizar a matrícula coa correspondente resolución administrativa pola que se recoñece a condición, vixente no prazo de matrícula.

(4) A condición de vítima de violencia de xénero acreditarase no momento de formalizar a matrícula, mediante calquera das formas previstas no artigo 5 da Lei 11/2007, do 27 de xullo, galega para a prevención e o tratamento integral da violencia de xénero.

(5) A condición de persoa beneficiaria da prestación do ingreso mínimo vital acreditarase mediante a resolución do Instituto Nacional da Seguridade Social prevista no artigo 28.3 da Lei 19/2021, do 20 de decembro.

(6) Axudas para o pagamento de prezos públicos por servizos administrativos. Serán beneficiarias das axudas para o pagamento de prezos públicos por servizos administrativos todas as persoas que estean recollidas nalgún suposto das convocatorias de axudas e subvencións de prezos públicos de calquera das tres universidades públicas do SUG para o presente curso académico:

- Persoal docente e de administración e servizos, os seus fillos/as, así como o seu cónxuxe ou persoa con análoga relación das tres universidades de Galicia terá a matrícula gratuíta.
- A gratuidade deberá acreditarse mediante unha certificación dos respectivos servizos de persoal e, no caso de cónxuxe e fillos/as, ademais, por medio da fotocopia cotexada do libro de familia ou equivalente. A situación que dá dereito á axuda deberá estar vixente no prazo da matrícula.

5. Realización dos exames

Os exercicios que deberán realizarse son os indicados no Real decreto 534/2024, do 11 de xuño (BOE do 12 de xuño), que poden consultarse na web da CIUG.

O estudantado matriculado ao abeiro da presente convocatoria realizará os exames, nun chamamento único, o **venres 20 de febreiro**, a partir das 8.30 horas, nas instalacións da Facultade de Dereito da Universidade de Santiago de Compostela, en Santiago de Compostela.

Os candidatos e candidatas poderán realizar a proba de acceso en tantas universidades como estime oportuno, sempre que existan nelas os estudos que desexen cursar; a superación da proba de acceso realizada pola CIUG permitiralles ser admitidos unicamente nas universidades do SUG.

6. Estrutura da proba

A proba de acceso terá como obxectivo valorar a madurez e a idoneidade das persoas candidatas para seguiren con éxito estudos universitarios, así como a súa capacidade de razoamento e de expresión escrita. A proba de acceso comprenderá os tres exercicios seguintes:

- a) Comentario dun texto ou desenvolvemento dun tema xeral de actualidade
- b) Lingua castelá
- c) Lingua galega

Os candidatos e candidatas que superen a proba de acceso deberán realizar, ademais, unha entrevista persoal na data e no lugar determinados pola comisión organizadora. Do resultado da entrevista persoal enviarase unha resolución de «apto/a» como condición necesaria para a posterior resolución favorable de admisión dos candidatos e candidatas.

Os candidatos e candidatas que acrediten a residencia fóra de Galicia por un período ininterrompido superior aos catro últimos anos poderán solicitar, no momento de se matricularen, a exención do exercicio de Lingua galega. A CiUG comunicarlles a concesión ou non da exención do exercicio de Lingua galega.

Cada un dos exercicios da proba de acceso terá unha duración máxima dunha hora e media. Establecerase un intervalo mínimo de trinta minutos entre o final dun exercicio e o comezo do seguinte.

Para realizar os exercicios, os candidatos e candidatas poderán empregar, á súa elección, calquera das linguas oficiais da comunidade autónoma de Galicia. Non obstante, os exercicios correspondentes a Lingua castelá e Lingua galega realizaranse nos seus respectivos idiomas.

7. Sistema de cualificación

A cualificación de cada un dos exercicios da proba de acceso expresarase en números de 0 a 10 puntos, con dúas cifras decimais e con intervalos de 0,25 puntos.

A cualificación final da proba será a media aritmética das cualificacións obtidas nos tres exercicios, expresada en forma numérica de 0 a 10 puntos, con tres cifras decimais, arredondada á milésima máis próxima e no caso de equidistancia á superior, sempre que a puntuación de cada un dos tres exercicios sexa igual ou superior a catro puntos.

O candidato ou candidata superará a proba cando a puntuación de cada un dos tres exercicios sexa igual ou superior a catro puntos e obteña un mínimo de cinco puntos na cualificación final.

A nota de admisión para cursar ensinanzas universitarias oficiais de grao será a cualificación final obtida na proba.

Unha vez superada a proba de acceso, os candidatos e candidatas poderán presentarse de novo en sucesivas convocatorias, coa finalidade de mellorar a súa cualificación. Terase en conta a cualificación obtida na nova convocatoria sempre que esta sexa superior á anterior.

8. Publicación das cualificacións provisionais

As cualificacións provisionais da proba publicaranse a través da aplicación informática Nerta o **día 26 de febreiro** (a partir das 15.00 horas).

A resolución pola que se publican estas cualificacións terá efectos de notificación oficial para as persoas interesadas.

9. Reclamacións ás cualificacións

Os candidatos e candidatas poderán presentar unha reclamación ás cualificacións provisionais despois de se publicaren, dentro do prazo establecido pola comisión organizadora e a través da plataforma Nerta.

O **prazo** de presentación **de reclamacións** ás cualificacións será **do 27 de febreiro ata as 14.00 horas do día 3 de marzo**. As solicitudes presentaranse a través da aplicación informática Nerta.

As reclamacións serán resoltas o **5 de marzo** e os resultados poderán consultarse a través da plataforma Nerta a partir das 15.00 horas dese día.

10. Realización das entrevistas persoais

A CiUG publicará, na súa páxina web (ciug.gal), **antes do 17 de marzo, o lugar, data e hora de realización da entrevista persoal** de cada un dos candidatos/as que superase a proba.

11. Publicación das cualificacións definitivas

As **cualificacións definitivas** (despois da resolución das reclamacións e das entrevistas persoais) publicaranse o **día 27 de marzo** (a partir das 20.00 horas) a través da aplicación informática Nerta. A resolución pola que se publican estas cualificacións terá efectos de notificación oficial ás persoas interesadas e porá fin á vía administrativa. Contra esta resolución poderá interpoñerse un recurso potestativo de reposición no prazo dun mes perante a propia comisión. Neste caso, non se poderá interpoñer ningún recurso contencioso-administrativo en tanto non recaia a resolución expresa ou presunta do recurso administrativo de reposición.

O estudiantado que solicitou a revisión dunha ou varias probas poderá ver as probas revisadas unha vez finalizado o proceso, se así o solicita. Para ver os exames poderá solicitarse do 6 ao 8 de abril (ata as 14.00 horas) remitindo un correo electrónico ao LERD correspondente (véxase o anexo I). Os exames revisados poderanse ver o 9 de abril ás 10.00 horas no Edificio Fontán da Cidade da Cultura (sede da CiUG).

12. Efectos e acceso ao SUG

Ao estudiantado que supere esta proba no sistema universitario de Galicia, correspóndelle as universidades do sistema universitario de Galicia.

Para acceder ás **titulacións universitarias do SUG con límite de prazos**, o estudiantado que supere a proba deberá presentar a súa **solicitud de admisión** no prazo e forma que indique a convocatoria de acceso ao sistema universitario de Galicia. Para iniciar este proceso é preciso estar en posesión do certificado de superación da proba, expedido pola CiUG.

No **anexo II** recóllese o horario de realización dos exercicios da proba.

Santiago de Compostela, 1 de decembro de 2025

Iván C. Area Carracedo

Presidente da CiUG

XFES/AS DOS SERVIZOS DE ALUMNADO DAS TRES UNIVERSIDADES PÚBLICAS GALEGAS
ENCARGADOS/AS DOS LERD
RESPONSABLES DO PROGRAMA INFORMÁTICO NERTA

ANEXO I

Lugares de entrega e recollida de documentación (LERD)

UNIVERSIDADE DE SANTIAGO DE COMPOSTELA



LERD 1 Campus de Santiago de Compostela
Servizo de Xestión Académica
Pavillón Estudiantil, 2.º andar - Campus Vida - 15782 Santiago de Compostela
Teléfonos: 881 814 538 / 881 814 530
Enderezo electrónico: sa@usc.gal

LERD 2 Campus de Lugo
Edificio Biblioteca Intercentros, planta baixa - Campus Universitario - 27002 Lugo
Teléfono: 982 823 552
Enderezo electrónico: sa.lugo@usc.gal

UNIVERSIDADE DA CORUÑA



LERD 3 Campus de Elviña, A Coruña
Pavillón de estudantes - Campus da Coruña - 15071 A Coruña
Teléfonos: 881 011 190 / 881 011 192 / 881 011 964
Enderezo electrónico: lerdcoruna@udc.gal

LERD 4 Campus de Ferrol
Edificio de usos administrativos (1.º andar) - 15402 Ferrol
Teléfonos: 881 013 650 / 881 013 675
Enderezo electrónico: lerdfer@udc.gal

UNIVERSIDADE DE VIGO

Universidade de Vigo

LERD 5 Cidade de Vigo - SIE
Edificio Redeiras, praza da Ribeira do Berbés, núm. 11 - 36202 Vigo
Teléfonos: 986 813 630 / 986 813 755
Enderezo electrónico: sie@uvigo.gal

LERD 6 Campus de Ourense
Unidade Administrativa - Área de Servizos á Comunidade - As Lagoas - 32004 Ourense
Teléfono: 988 387 102
Enderezo electrónico: asc-ou@uvigo.gal

LERD 7 Campus de Pontevedra
EU de Enxeñaría Técnica Forestal - Área de Servizos á Comunidade - A Xunqueira - 36005 Pontevedra
Teléfono: 986 801 949
Enderezo electrónico: asc-po@uvigo.gal

Edificio Fontán, 1.º andar. Cidade da Cultura de Galicia. Monte Gaiás, s/n.
15707 - Santiago de Compostela - Enderezo electrónico: ciug@cisug.gal - <http://ciug.gal>

Anexo II. Data e horario de realización da proba

VENRES, 20 DE FEBREIRO DE 2026	
Hora	Sesión
08.30 h	Presentación do alumnado
09.00-10.30 h	Comentario de texto sobre un tema xeral de actualidade
10.30-11.00 h	Descanso
11.00-12.30 h	Lingua castelá
12.30-13.00 h	Descanso
13.00-14.30 h	Lingua galega
14.30 h	Fin da sesión